

# 北大日刊

The University Daily

號七六六二第  
張一版出日今

## ●日刊室啟事

(一)暑假內本刊仍照向例每週發行一次於每星期六出版遇有要事臨時增刊每份銅元二枚郵寄大洋一分郵費在內

(二)凡已訂購日刊而尚未滿期者暑假內遇發行時當繼續派送或郵寄尚有餘款俟暑假後補訖

(三)本校教職員及訂閱本刊諸先生在暑假內如有住址遷移者希逕函日刊室以便轉告收發課改送

## 本校布告

### ●校長布告

茲將六月三十日考試委員會議決案公布如左

修正本屆入學考試規則案

議決：投考文法兩學院者考試科目

外國文除英德法文之外亦得以日文投考

二十年七月三日

### ●國立北京大學布告

本校自七月一日起至九月八日止放暑假七十天此布

二十年六月十八日

### ●註冊部啟事

本科各系教員諸先生公鑒年考業已竣事各系學生所考成績亟須彙齊核算務懇台端早予評定關於四年級學生試卷尤盼從速交下以便登記無任感禱即頌教祺

二十年六月二十六日

## 公告

### ●蔡元培啟事

元培此次到平，不獲久留。故友新交，或荷車站往送，或荷惠駕來臨，煩勞既殷，承教實多。惟以培在此日短，時不暇給，今又過返南京。過我

地址

北京景山東街北京大學第二院

報費

每份銅元二枚每月自取一角五分派送一角七分外省三角(郵費在內)報費先付郵票不收

廣告費

用五號字七日以內每字八厘一月以內五厘長期面訂五十字起碼封面加倍

友朋，不及回訪，盛筵之招，或未能至，歉仄何如！至所有函詢之件，當待返京後敬覆。謹布區區，諸希鑒原！

### ●圖書部通告一

在本校暑假期間(自七月一日起至九月八日)各院閱覽室除第一院第四閱覽室不開外其餘各室閱覽時間概改為每日上午八點起至十二點止午後晚上停止閱覽

### ●圖書部通告二

在本校暑假期間凡本校同學要閱覽善本書者請直接向第一院典書課接洽

### ●學生會通告 第十七號

查本校圖書部待整理前經會議議決暑假內由同學自由參加整理辦法現已得學校之許可凡同學有願參加者務祈於十日內(自六月二十一日起至六月底止)到各書院就房簽名為荷

文書股 六月二十日

### ●蘇世鐸啟事

我的第1008號徽章遺失了：特此聲明。

### ●李玉涵啟事

我的5號徽章遺失聲明作廢

## 廣告

### ●嘉慶三年太上皇起居注影印出版

研究所國學門明清史料整理會影印品之一此係清高宗禪位後第三年之起居注。為近世最珍貴史料之一。原分四冊。今影印合為一冊。定價一元。出版部代售。朱遜先先生有序。敘述影印意義甚詳。茲即刊其原序。可以不煩言矣。

嘉慶三年太上皇起居注四卷。北京大學研究所所藏。得於清代內閣檔案。中分春夏秋冬四冊。茲由研究所明清史料整理會提出景印。合為一冊。仍以四季分為四卷。以存原狀。尋歷代起居注。見於隋唐史志者。皆寥落不全。今惟溫大雅大唐創業起居注尚存。餘皆亡佚。宋元明史志皆不載其起居注。而宋元明官制皆有起居注一職。宋尤表遼初堂書目載有孝宗起居注。以此例推。則宋元明三代其起居注雖或不全。斷續記注。亦必有之。然三代史志。竟無一冊一卷之記載。蓋其書

### 目要日本

- △日刊室啟事
- △校長布告
- △研究所國學門明清史料整理會影印嘉慶三年太上皇起居注出版



藏於禁中。外人不可得而見。易代而後。則又多遭焚燬。故其書多不見於著錄。清代起居注今尚存於故宮。自康熙十年訖於宣統二年。有數千冊。大體完備。間有闕佚數十冊。則已由內閣大庫散出。今尚留存於中央研究院。歷史博物館。北京大學研究所及上虞羅氏。不難設法羅致。以成全璧。蓋自康熙九年。初設起居注官。故自順治元年。迄於康熙九年。無起居注。而宣統三年。雖無起居注。然內起居注。則仍有之。而清史稿藝文志亦不著一冊一卷。不幾使人疑清代亦無起居注耶。今故宮所存清代起居注冊數繁夥。不能逐錄流傳於世。世變不測。將來能保存與否。亦未可知。此嘉慶三年太上皇起居注用原書景印。可以窺見一代制作之形模。將來由此一冊。或能引起全部之刊印。以彌補自漢以來起居注散亡之遺憾。此則景印此書之微意一也。故宮所存乾隆元年至六十年起居注。共有一千四百數十冊。大抵每月二冊。年二十四冊。遇閏則二十六冊。每月二冊之制。起於雍正。乾隆勅撰歷代職官表。謂今每歲十二月。以起居注進內閣。此皆清代新制。唐六典隋起居注每季爲卷。送付史官。新唐書百官志起居舍人錄制諸德音如記事之制。季終以授國史。唐會要亦言起居注。逐季撰錄。納與史官。此太上皇帝起居注。每季爲冊。尙存附唐舊制。允宜珍視。此則景印此書之微意二也。前代太上皇帝。如唐玄宗宋徽宗。皆以喪敗餘生。不足比數。清高宗之爲太上皇帝。蓋取法乎宋高宗。宋高宗即位三十六年。內禪孝宗爲太上皇帝。二十六年居德壽宮。年八十一而崩。清高宗即位

六十年。內禪仁宗爲太上皇帝。居寧壽宮。年八十九而崩。宋高宗之爲太上皇帝。有德壽宮起居注。清高宗因之亦使起居注官爲太上皇帝起居注。及其崩也。清仁宗亦承其志。諡之曰高宗。今德壽宮起居注已亡。僅周賴密武林舊事乾淳奉親條存其十餘則。追念全書。令人神往。嘉慶元二三年之太上皇帝起居注。今已分析爲三。珠還璧合。未知何時。此雖爲不全本。然再不爲之流傳。亦懼與德壽宮起居注同爲煨燼。此則景印此書之微意三也。東華錄嘉慶四年正月壬戌。太上皇帝崩。其年正月庚申朔。壬戌爲初三日。是嘉慶三年之太上皇帝起居注。實爲其最後之一冊。斯時川楚教匪勢已燎原。而和珅秉政。乘高宗昏耄。頗有挾太上皇帝以號令皇帝之勢。蓋高宗雖內禪。尙干預政事。批閱章奏。嘉慶四年正月十一日庚午。上諭宜布和珅罪狀有云。昨冬皇考聖躬不豫。批摺字畫間有未真之處。和珅口稱不如撕去。竟另行擬旨。夫不豫尙欲批摺。其康健時可知。本年起居注八月初九日庚子奉勅旨。本日勅保奏掃蕩安樂坪賊巢。生擒首逆王三槐一摺。覽奏嘉慰軍機大臣大學士伯和珅奏贊機宜。承旨書諭。一手經理。夙夜宣勞。著加恩晉封公爵。九月二十八日戊子內閣奉勅旨。本年春間皇帝臨雍禮成。原定於冬間大閱。現在川東北教匪雖將次剿除完竣。但建銳營火器營官兵尙未撤回。本年大閱著行停止。夫和坤之公爵。以太上皇帝勅旨晉封。而皇帝原定之大閱。亦以太上皇帝勅旨停止。其他若此類者尙有多條。無怪高宗朝崩和珅夕死也。高宗於正月初三日崩。初四日卽有上諭。謂我皇

考臨御六十年。天威遠震。武功十全。凡出師征討。即荒徼部落。無不立奏蕩平。若內地亂民王倫田五等。偶作不靖。不過數月之間。卽就殄滅。從未有經歷數年之久。糜餉至數千萬兩之多。而尙未肅功者。總由帶兵大臣及將領等。全不以軍務爲事。惟思玩兵養寇。藉以冒功升賞。寡廉鮮恥。營私肥家。卽如在京諸達侍衛章京等。遇有軍務。無不營求前往。其自軍營回京者。卽平日窮乏之員。家計頗臻饒裕。往往託詞請假。並非實有祭祖省墓之事。不過以所蓄之資。回籍置產。此皆朕所深知。可見各路帶兵大臣等。有資裕延。皆藉此藉端牟利之積弊。試思肥家之資。皆婪索地方所得。而地方官吏。又必取之百姓。小民脂膏有幾。豈能供無厭之求。此等教匪滋事。皆由地方官激成。卽屢次奏報所擒獲者。皆朕之赤子。出於無奈。爲賊所脅者。若再加之賅削。勢必去而從賊。是原有之賊未平。轉驅民以益其黨。無怪乎賊匪日多。展轉追捕迄無肅事之期也。又云。近年皇政聖壽日高。諸事多從寬厚。凡軍中奏報。小有勝仗。卽優如賞賜。共或貽誤軍務。亦不過革翎申飭。一有微勞。旋經賞復。雖屢次勸催。奉有革職治罪旨。亦未懲辦一人。卽如數年中。惟永保曾經交部治罪。逾年仍行釋放。其實各路縱賊竄逸者何止永保一人。亦何止一次乎。且伊等每次奏報打仗情形。小有斬獲。卽鋪敘戰功。縱有挫敗。亦皆粉飾其辭。並不據實陳奏。伊等之意。自以皇政高年。惟將吉祥之語入告。但軍務關係緊要。不容稍有隱飾。伊等節次奏報殺賊數千名至數百名不等。有何證據。亦不過任意虛捏。若稍有失利。尤當據實奏明。以便指示機宜。似此掩敗爲勝。豈不貽誤軍事。軍營積弊。已非一日。朕總理庶務。諸期覈實。此次定限。惟按軍律從事。言出法隨。勿謂幼主可欺也。此諭實爲和珅而發。故十一日卽宣佈和珅罪狀。革職治罪。其罪狀之最大者。亦不過以勸辦川楚教匪。和珅於各路軍營遞到奏報。任意延閣。有心欺蔽。以致軍務日久未竣。又以一人把持吏戶刑部務。擅作福威。招致賄賂。剝削民生。釀成寇禍。是太上皇帝訓政之日。其政務皆爲和珅一人把持。彰彰明甚。太上皇帝信之愈深。皇帝恨之愈切。太上皇帝愈以爲功高。皇帝愈以爲罪大。不除和珅。則禍害無已。欲除和珅。則投鼠傷器。是以史載太上皇帝於正月初二日辛酉不豫。初三日壬戌辰刻卽崩。清代學者多疑其非令終。亦非無因。惜當時史官無如周必大者爲宋高宗作思陵錄一露布其病狀也。此嘉慶三年之太上皇帝起居注。實爲太上皇帝與皇帝相水火之最後一年。相接愈厲。尤不可不於此書窺其底蘊。此則景印此書之微意四也。嘉慶元年太上皇帝起居注四冊。今藏於中央研究院歷史博物館。嘉慶二年太上皇帝起居注四冊。今藏於故宮博物院文獻館。此書印成後。深望上列二處所藏亦相繼付印。使有清一代太上皇帝起居注。完全流傳於世。此亦研究史學者所引領希望者也。

中華民國十九年七月八日海鹽朱希祖作于北平